

Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

II. Antiquitas nihil clero & populo tribuit præter solum testimonium & consensum, electionem autem ipsam & judicium Metropolitano & Episcopis provincialibus. Discrimen nullum erat inter clerum ...

urn:nbn:de:hbz:466:1-15617

& Imperij Lib. VIII. Cap. II.

379

Ecclesia separari cœperunt à confirmatione, & hæc ab ordinatione sive consecratione. Tunc clero civitatis, cum consensu populi, electio futuri Episcopi tributa est; & Metropolitanorum cognitioni, unâ cum Episcopis sua provinciæ, decreti de electione facti reprobatio vel confirmatio reservata. Quod jus ad solum deinde Metropolitanum posterioribus canonibus translatum est ob synodorum infrequentiam.

II. Ceterum si negotium istud referatur ad primam originem, morumque vetustæ Ecclesiæ & antiquorum canonum ratio habeatur, constans est illa sententia qua solum testimonium & consensum designandi Episcopi clero & populo tribuit, ipsam vero designationem sive electionem & judicium Metropolitanum unâ cum synodo provincialium Episcoporum. In quo testimonio dando non reperio discrimen aliquod constitutum à veteribus inter clerum civitatis & populum. Aequo enim jure hac in parte utebantur, & utriusque consensus ad suscipiendum Episcopum expectandus erat. Tota quippe, ut jam dixi, auctoritas erat penes Episcopos, & præcipue penes Metropolitanum, qui rebus gestis rō x̄pos adhibebat, ut loquitur synodus Nicæna.

III. Non me latet quin plerisque novi videri possit hæc opinio, & fortasse ob novitatem periclitari. Sed si animo sincero expendatur, ut vera esse testimonii prolatissimam demonstrabitur, sic ex duabus oppositis conflata, ambarum auctoritate fulciri poterit. Duæ etenim sunt haec in disputacione præcipuae sententiæ. Altera plebem à jure electionum remotam semper fuisse docet, solo reliquo illi testimonio & voto, clero autem civitatis electionem in solidum tributam. Altera docet jus æquum semper fuisse clero & populo in electionibus, idque jure apostolico & veterum patrum testimonii nisi. Nos verò nec clero civitatis nec populo jus merum electionis olim competitivisse assurrimus, sed solis Episcopis provinciæ, qui testimonio atque consensu cleri & populi in persona eligenda utebantur. Postea jus electionis clero, cum populi consensu, in Occidente communicatum est; donec populus ab eo jure seclusus est. Ex necessitate consensus populi in electionibus manavit assensus regij necessitas. qua de re postea differendum erit.

IV. Definitionis nostræ probationem ex testimonii veterum patrum & synodorum petemus. Qui luculentius ista explicuit proferendus est Cyprianus epistola LXVIII. Diligenter de traditione divina & apostolica observatione servandum est & tenendum quod apud

Tom. II.

nos quoque & ferè per universas provincias tenetur, ut ad ordinations rite celebrandas, ad eam plebem cui prepositus ordinatur, Episcopi ejusdem provincie proximi quique convenienter. & Episcopus delegatur plebe presente, que singulorum viam plenissime novit. & uniuscuiusque actum de ejus conversatione perspexit. Quod & apud vos factum videmus in Sabini college nostri ordinatione, ut de universæ fraternitatis suffragio, & de Episcoporum qui in presentia convenerant, quaque de eo ad vos literas fecerant, iudicio, episcopatus ei deferretur, & manus ei in locum Basiliæ imponeretur. Locus est insignis: unde discimus ex more ubique ferè recepto Episcopos provinciæ ad Ecclesiam vacantem accedere solitos, & plebe præsente successorem diligere. Designanda personæ actus discutiebantur publicè; & plebi facultas relinquebatur suffragandi vel renitendi. Sed judicium & electionis arbitrium integrum erat penes Episcopos præsentes, ut disertè docent verba ultima de ordinatione Sabini in Hispaniis facta.

V. Ex divina traditione hunc usum eleganter trahit Cyprianus, nempe ut plebe præsente Episcopi præpositos deligant: idque probat ex facto Moyse, qui jubetur exire Aaronem stola pontificia, eamque filio ejus Eleazaro imponere coram omni synagoga, juxta versionem Septuaginta interpretum: *Coram omni synagoga jubet Deus consilii sacerdotem; id est, instruit & ostendit ordinaciones sacerdotales nomini sub populi assentio conscientia fieri oportere; ut plebe præsente vel delegantur malorum crimina, vel bonorum merita predicentur, & si ordinatio iusta & legitima qua omnium suffragio & iudicis facit exanimata. Quæ verba distributivæ sunt accipienda, ut suffragium sive testimonium pertineat ad plebem, qua testimonio suo præponendis suffragatur, vel malorum dengendo crimina, vel bonorum merita predicando; iudicium verò ad Episcopos, ut superius monui ex eodem Cypriano. Dictio suffragij approbationem significat in Iure & apud alios auctores.*

VI. Ex Lampadio in vita Alexandri Severi illustrari potest electionum Christianarum ritus, & quæ populi partes in eis essent apertissimè explicari juxta mentem Cypriani: *Vbi aliquis voluisse (Alexander) vel rectores provinciæ dare, vel præpositos facere, vel procuratores, id est, rationales ordinare, nomina eorum proponebat, hortans populum ut si quid haberet criminis, probaret manifestis rebus; si non probasset, pœnam subiret capitis. Dicebat, que grave esse, quam id Christiani & Iudei facerent in predicandis sacerdotibus qui ordinandi sunt, non fieri in provinciarum rectoribus, quibus*

Bbb ij